

№ 28 264, 12, 24.

ქართული
ბიბლიოთეკა

სასაღისო მაგარი

სუკრათეხიანი დამატება

გაზეთის № 193.

შაბათი, 25 დეკემბერი 1910 წ.

დამატების № 33



ღვთის მშობელი ბავშვით.
სურათი რუბენსისა დრეზდენის გალერეიდგან.

ღელის გული

(ლეგენდა)

I

მღუმარს ქვეყანას, მოვლემავს, მძინარეს
 დაჰკაშკაშებდა თავს ბადრი მთვარე
 და მის მქრალს შუქსა, ნელ-მოელვარეს,
 მთლად მოეფინა ის არე-მარე.

კაცთ ჟრიაშის ხმა მიმწყდარიყო,
 ცოდვილს ქვეყანას ჩასძინებოდა
 და ძილშიც იგივე ცოდვა, ბოროტი
 აღაშფოთებდა, ეზმანებოდა;

დღიურ ცხოვრების ავი-ვარამი
 გულს ჩაჰყოლოდა, არ ასვენებდა
 და განვლილს ჰირსა, მომავალს ნალველს
 ლანდად ურდგენდა, გაახსენებდა.

სდუმდა სულ ყველა, მხოლოდ-კი სიო,
 ეს განთიადის წინამორბედი,
 ჰქროდა, ცელქობდა და ხეთა ფოთოლს
 უაღერსებდა ლალი, თავ-ხედი.

შორით ისმოდა მამლის ყივილი,
 ფრინველი ფრინველს სალაშს უყეფდა,
 საღლაც ერთგული სახლის დარაჯი
 თავ-გამოდებით ვილაცას ჰყეფდა.

არსიდგან სარკმლით არ გამოსჩანდა,
 არც-კი ჰბუჭებდა სინათლის შუქი
 და შავ-ბნელ ნისლად გადაჰფენოდა
 მთელს იმ მიდამოს წყვილიადის ბუქი.

მაგრამ ჩუ... აგერ ეს რა სახლია,
 ამ ყვავილნარში ტურფად ჩადგმული?
 ეს რად-ლა ჰფხიზლობს, შიგ ვინ სადგურობს,
 რა ხორციელი და რა სულდგმული?
 რას აუნთია ამ დროს სასთელი,
 დღესასწაულს, თუ ვარამსა, ჰირსა,
 მისი პატრონი ჰხარობს და ჰლხინობს,
 თუ მწუხარებით ცრემლსა ჰღვრის, სტირსა?!..

არა, არა ჰგავს ეს ლხინის სადგურს,
 ლხინს დუმილი სძულს და ერიდება
 და სამარებრივს ასეთს სიჩუმეს
 არასოდეს არ მოურიგდება.

იქნება ჰფხიზლობს აქ მომაკვდავი
 და სული ტკბილი ვერ დაუთმია,
 კანკალით ელის აღსასრულის წამს
 და მთელი ღამე მას გაუთია;

უძლოურის ხელით ეპოტინება
 ამ წუთი-სოფლის ამოვებას,
 შესჩვევია ჰირს, ამ ტანჯვის ქვეყნად
 მოელის კიდევ სიტკბოს და შვებას?..

იქნება ნორჩი, ბრძენი ჰაბუკი,
 ამ ქვეყნის ზრუნვით გატაცებული,
 ჰფიქრობს თვის მამულის წამალი დასდოს,
 კვლავ შეჰქმნას მძლავრი და დიდებული,
 კვლავ დაჰბრუნოს ბედნიერება,
 ეღირსოს ტანჯულ მოძმეთა ლხენას,
 ბოლო მოუღოს საერთო წუხილს,
 ბორკილი შეხსნას საქშობლო ენას?..

იქნება ორგულს, ქვეყნის გამწირავს,
 წამოსდგომია სინიდისი თავს
 და მის ჩადენილს ბოროტებასა
 სიმართლის აღლით უწყავს, უზომავს?..

იქნება მცოვანს ბერს, სულის მამას
 დაუჩოქნია მაცხოვრის წინა,
 უფალს ავედრებს ცოდვილს ქვეყანას...
 და მან აქამდე არ დააძინა?..

იქნება... მაგრამ რა არ იქნება,
 ვინ მისწვდეს კაცის აზრსა დიადსა,
 იმისს ათას გვარს გულის-თქმას, ფიქრსა,
 ვნებათა ღელვას და ხვაშიადსა?!..

II

თვით სიყვარული, მშვენიერება,
 ნიჭი, სიმდიდრე და ხელოვნება
 ერთად შეყრილან იმისს ტრფობით,
 ერთი ჰქონიათ სურვილი, ნება
 და შეუძვიათ ეს სამყოფელი,
 სამოთხის მსგავსი, მისი სადარო,
 მეფეთათვისაც-კი სასიამო,
 საოცნებელი და სანეტარო.

ვგონებ, რომ ჰქმუნვა, წუხილი, დარდი
 ამ სახლს ახლოც-კი ვერ მოეკაროს
 და მწუხარებამ, აქ შემოსულმა,
 მსწრაფლ გაიღიმოს, გამოიღაროს.

მაგრამ რას ვხედავ?.. აგერ სარეცელს
 პირ-ქვე ამხია ყმაწვილი ქალი;
 გიშრის ნაწნავსა მთლად დაუფარავს
 მისი გულ-მკერდი, ბროლის ფიქალი.

მის ნორჩსა სახეს, მთვარესავით ბაღს,
 წუხილის ჩრდილი გადაჰფენია,
 ამაყ თვალთაგან აღის ფერს დაწვხედ
 ჰქმუნვის მოცაქულს — ცრემლს უდენია.

სიტურფეს ნაღვლის ძაძა ჩაუცვამს,
 ზედ გადასხმია ჰქმუნვის სამსალა,
 მაგრამ მაინც-კი არ დაუკარგავს
 თვისი შვენება და თვისა ძალა.

ამ წუხილშიაც ისევე ჰშვენის
 მისის ვარდი, ცრემლით ნამული,
 რა თვალმა ჰნახოს, რომ არ დატყვევდეს,
 ტრფობით შეტოკდეს; ქვაც იყოს, გული.

რამ შეურყია ნეტა გონება,
 რამ შეუშფოთა მშვენიერს ძილი,
 აქამდე ყოვლად დაურღვეველი,
 მოსვენებული, მშვიდი და ტკბილი?..


სიზმარი ჰნახა მან საშინელი,
 გულ-დასაღონი და შემზარავი,
 შეფრთხა, შეშინდა, ვეღარ გაუძლო
 და ტკბილს ძილსაც-კი აართვა თავი.

წასთვლიმა თუ არ, ლანდი, არდალა
 მოხუცის სახით მას მოეჩვენა,
 დარდი ფარული, გულს ჩამარხული,
 კვლავ მოაგონა, კვლავ გაახსენა:

— მშვენიერი ხარ, ბადრი, ლამაზი,
 ყველა შემოგტრფის და თავს გვევლება,
 მაგრამ დაჰკარგავ მაგ სილამაზეს
 და ტურფას ბედი გამოგეცვლება.

ვიდრე ნორჩი ხარ, სატრფოც შენია,
 შენ გემონება, შენთვის თავს დასდებს...
 დასტკბება... მერე, ვით დამქნარს ყვავილს,
 შორს გადაგტყორცნის და გადაგავდებს.

ვაჟაკის გულსა სხვა გრძნობა ტკბილი
 შეეპარება და დაიმონებს,
 სხვა დაედება ტრფობის ბორკილი
 და სხვა ახარებს, სხვა დააღონებს.



მხოლოდ ერთი-ღა არის წამალი,
რომ შეგრჩეს სატრფოს სიყვარულია
და ეგ სიტურფე, აწ გაფურჩქვნილი,
და ეს წამალი... დედის გულია.

ჯერ ისევ ცოცხალს, ჯერ ისევ მფეთქავს
თუ რომ მოგიტანს თავის დედის გულს,
იგი აგაცდენს უბედურს მერმისს,
ის განამტკიცებს ოქვენსა სიყვარულს!“

ეს სთქვა მოხუცმა და მსწრაფლ მოსული
მსწრაფლადვე განქრა და მიფარა,
ამით შეაკრთო ღამაზის გული,
მით დააღონა და დააძმარა.

III

ზნელს ცას გადაჰკრა ფირუზის ფერმა,
მთიები მიჰქრა და მიიმალა
და განთიადის მისაგებებლად
ფრინველთა გუნდი წამოიშალა.

გაისმა ირგვლივ ქიკიქი, სტვენა,
თვალი აქყიტა კინქველამ, კიამ...

გადაიფურჩქნა და გაღუშალა
დილის ცვარს გული ვარდმა და იამ.
გათენდა დილა მშვიდი და წყნარი,
ყვავილთ სუნს გრილმა სიომ დაჰბერა,
მიმოაზნია და ყოველ სულღამულს
გული დაუტკბო და აუტკბერა.

მაგრამ ვახტანგის გულს რა დაატკბობს?
მას არ ღა ჰზიბლავს არცა ბუნება,

არც ფრინველთ ამო ვალობა, სტვენა
და არცა ყვავილთ სურნელოვნება.

მის ჰაბუკს სახეს, კვლავ მოლიმარეს,
ზედ დასდებია სამარის ფერი,
შუბლი შეუტრავს, ძლივს დარაცრაცებს
გულით მოკლული, გონებით შტერი.

რალაც ნაღველი, მწველი, საზარო,
გესლოდ და შხამად ჩასთესლებია
და გულიც, ჰკუაც, ფიქრიც, გონებაც
მას შეუზყრია, დაჰმონებია.

დღეს პირველ ისმის იმის პირიდგან
ღვთის სამღურავი და საყვედური,
დღეს პირველ არის ის თავის ბედის
დამაწყვევარი და ღმადური.

წყვეული ფიქრი აღბორგებია,
გონებას უბნევს და არ ასვენებს,
ჰშოფოთავს და ჰღელავს, ჰკრულავს ქვეყანას,
დღეს გაჩენისას ჰგმობს, შეაჩვენებს.

„დედის გულიო!“ და როგორც ელდა
ცახცახ-კანკალი ხოლმე აიტანს:

„ამ ბორბოტების ჩამდენს, მომქმედს ხომ
მიწა გასქდება და თან ჩაიტანს...“

ხომ მთლად დაირღვა ბუნების წესი,
გაუქმდა უფლის კანონი, სჯული,
ნადირად იქცა ადამიანი

და წაიწყმიდა ქვეყანამ სული..

ეს როგორ მითხრა და გამაგონა,
პირში ან როგორ დაეძრა ენა,
რა მაინე სულმა აფიქრებინა,
რამ შთააგონა, რამ გაახსენა?!..

ღმერთო, მომეცი შეძლება, ძალა
ამოვიგლიჯო მკერდიდგან გული
და მოვიშორო ეს მომხიბლავი,
გრძნეული ტრფობა და სიყვარული!..

მაგრამ რის ღმერთი, სადღა იგი,
ღმერთიც, გამჩენიც ჩემთვის ის არის,
მას შეუზყრია გრძობა, გონება,
სულიც და გულიც იმას შეჰხარის.

ცხადად და ძილში, დღეცა და ღამეც
მისი სიტურფე თვალს ელანდება,
ფიქრი მარადის იმისკენ მიჰქრის
და ხსოვნას მხოლოდ ის აგონდება...

წავალ მასთანვე, შევთხოვ, შევეტირებ,
მოვულობობ რითმე გულს მრისხანეს, მწყაროს,
სთქვას და ქვეყანას კეცხლს წავუკიდებ,
ვიკისრებ ყოველს ცოდვასა და ბრალს,
მოწად, მორჩილ ყმად გავუხდი ჩემს თავს,
თუ შემობრალა და შემიწყნარა...

დედის გულს-კია... ღმერთო, შეგცოდე!..
ვერ შევეხები... არა და არა!..“

IV

— „ოჰ, მშვენიერო, კვლავ დამიბრუნე
სულის მშვიდობა ამო და ტკბილი“,

ევედრებოდა ვახტანგი სატრფოს,
მის წინ მორჩილად მუხლ-მოდრეკილი:

„მაგ საზიზღრობას, უმაგალითოს,
ვერ მოიქმედებს ჰკვათა-მყოფელი
და არცა თქმულა, არ გაგონილა,
რაც-კი არსებობს წუთი-სოფელი.“

შვილმა რომ მშობლის ნაზს გულს შეახოს,
ვითა მტარვალმა, ბასრი მახვილი
და გაუგმიროს მკერდი და ძუძუ,
რომლის ტკბილის რძით არის აღზრდილი,—

ხომ მთლად დაბნელდა დღისა ნათელი,
მადლმა დაჰკარგა გრძნეული ძალა,
ცოდვით ძლეული ცა ჩამოინგრა,
ქვეყანას ძირი გამოეცალა...

აღბად მიხუმრე და გამომკადე,
თორემ ეგ რა გონს მოსასვლელია,
თვით პირუტყვიც-კი, ტყისა ნადირი
მაგის ჩამდენი, მაგის მქნელია?!..“

— „მე ჩემი ვთქვი და ახლა შენ იცი,
ან „დედის გული“, ან გან შორება;
აშკარა არის, თუ დედა გიყვარს,
შენ შენი სატრფო რად გეყვარება!..“

ის მოხუცია, ხან-გადასული,
ქვეყნად სიცოცხლით უკვე დამტკბარი,
ამ წუთი-სოფელს აღარას არგებს
აღარც ცოცხალი და აღარც მკვდარი.

ჩვენ-კი ნორჩნი ვართ, ახალგაზდანი,
სიცოცხლე გვწყურის, გვეხალისება,
ძარღვებში სისხლი გვიჩქმებს და გვიღულს
და გული ტრფობის გრძობით ივისება.

ან რა ცოდვაა, რომ დედამ შეიღსა
დღენი დაუტკბოს, უმსხვერპლოს თავი
და ააცილოს ამ წუთი-სოფლად
მოსალოდნელი ჰირი და ავი.

კარვად ვიცი, რაც ძალა ექმნება
შენგან მოტანილს აქ „დედის გულსა“,
ის-ღა შემარჩენს სამარადისოდ
ჩემს სიტურფეს და შენს სიყვარულსა.

უიმისოდ-კი ჩვენი კავშირი
ხან-მოკლე არის, დროებითია
და შენი ფიცი მარად ტრფობისა
წარმავალია და თაღლითია.

„შენის გულისთვის თავს გავწირავო,
 ღმერთსაც-კი ვგმობო!“, მეფიცებოდი
 და მეც მჯეროდა, ეხლა-კი ვხედავ,
 თურმე სულელი დიდად ვცდებოდი.
 თუ არ მატყუებ, მართლა გიყვარვარ
 და ჩემი ტრფობა გულოში გაქვს მტკიცე,
 რაღად ჰყოყმანობ, ამით ეგ გრძნობა
 დამინამდვილე და დამიმტკიცე.
 თუ ეს არ გინდა, წა, გამეცალე,
 თვალთაც ნუღარ დამენახეები,
 ჩემს სიყვარულსა, ჩემსა ალერსსა
 შენ ვერასოდეს ვერ ეღირსები!..“

ეს სტქვა ქალმა და პირი იბრუნა,
 მღუღარე ცრემლი გადმოაბნია
 და ამის ნახვამ თავს ზარი დასცა
 ვახტანგს, გონება მთლად დაუზნია.
 საბრალო ჰგრძნობდა, მის განშორებას
 ვერ აიტანდა, მეტად უყვარდა...
 სიმწარით თმაში ხელი იტაცა
 და ვით შეშლილი კარში გავარდა.

V

განქრა მზის სივი, ბოროტს ქვეყანას
 ღამის ზეწარი გადაეფარა,
 ერთურთის მტრობით მოღლილი ხალხი
 ძილმა შეიპყრო და დააწყნარა.
 ცას გადაეკრა შავი ღრუბელი
 ვარსკვლავნი განქრნენ, მთვარე დაბნელდა,
 ჰაერი შეჰკრა ნისლმა, ბურუსმა,
 ნიავი შედგა, სუნთქვა გაძნელდა.
 ბუნების მაჯა თითქოს არ სცემდა,
 ცამ ქვეყნისაგან პირი იბრუნა,
 ვერანას ჰგავდა მთელი მსოფლიო,
 ზღვამ და ხმელეთისა სული გატრუნა...
 ამ ჯოჯოხეთურს დუმოლ-წყვილიადში
 უცებ საზარლად ცამ დაიქექა
 და მიწამ, თითქოს დანგრევა სწადსო,
 დაიწყო ძრწოლით რყევა და ზნექა,

ბუქი ავარდა და მას დაერთო
 მთათა გრილი და ზღვათა ღელვა,
 წვიმა, ავღარი, სეტყვა და მეხი,
 ზარის დამცემი ქუხილი, ელვა...

და ამ დროს, როცა ღვთის რისხვის შიშით
 თვით ნადირიც-კი ბუნაგში ძრწოდა,
 ვილაც უცნობი თმა-გაწეწილი,
 თმა-აბურძგნული გზახედ მობოდა.
 აკანკალებულს ხელებში ეპყრა
 ადამიანის მთრთოლვარე გული,
 ჯერ ისევ აბილი, ისევ მფეთქავი,
 სისხლში შესვრილი და გათხუზული.
 უცებ წამოსდო ხეს ჩოხის კალთა,
 წაიტორტმანა, დაეცა ძირსა,
 სისხლში ამოსვრილ ხელიდგან გული
 გადაუგორდა იქვე გზის პირსა
 და ამ გულიდგან კვნესით მოეგმა
 ხმა ნუგეშისა ნაზი, მხურვალე:
 „შვილო ვახტანგჯან, ხომ არაფერი
 არ იტკინე-რა, შენ გენაცვალე?!..“

ხალხში ხმა დადის, ბევრს უნახავსო
 მდინარის პირად ვილაც შეშლილი,
 უსმელ-უქმელად ათენ-აღამებს,
 არ ეკარება თვალებზედ ძალი,
 მხოლოდ-და ოხრავს, „ვაი“-ს იძახის
 წყალთან მწუხარედ ჩაცუსტებული
 და დღე-და-ღამე განუწყვეტლად
 ხელებს იბანსო გაშმაგებული.
 ქანც-მოწყვეტილსა ოფლი ხვართქლად სდის,
 ხელების კანი მთლად ეყვლიფება,
 მაგრამ უბედურს დედის სისხლი-კი
 არ გადასდისო, არა სცილდება.

ა. ახმეტია



კოტე მესხი და მისი მოვალენი იუბილეს მეორე დღეს.

